

栩園詞弁彙卷三

毗陵陳聶恆曾起一字秋田

減字木蘭花

宿良鄉和舜間
毛會侯先生韻

雲絲風緊度盡征鴻愁未盡索笑梅花鄉夢重尋
味轉加 馬頭鈴鐸聽到無聲情更惡抱影難眠
圓月誰教落眼前

擣練子

甲戌春三月
出都門作

勻面了為誰容笑折花枝對鏡中愛好自畱顏色
在一生原不為春風

又

知負了一身香那得工夫待豔陽不及好花連夜
發蠶兒放與早歸房

風流子

誰向小姑傳語底事愁他遲暮長妒汝是蛾眉妒
汝便成知汝休負休誤嫁了如兄夫去

巴渝辭

尊前一笑不擡頭可也為儂便小畱蔗尾未甘郎
玉口要郎珍重解貂裘

又

梅花檐外白漫漫盡道花顏妾一般惆悵祇應梅

子似小時心苦大心酸

滿江紅

東阿道中

銅城驛邊笑此地揮鞭幾巡渾似夢柳綿吹盡那
復成春智井偷藏千掬淚遠山癡縮一縞雲又林
梢布穀促歸耕聞不聞遺石在祠尚尊遺劔杳
墓難真便淒涼陳迹馬上誰論亂水有心迷去路
斜陽無意照行人記來時酤酒杏方花紅滿邨

黃金縷

舟次別謝秀才

試問秀才緣底事近了江南翻作消魂地煙柳夕
陽昏似此今宵有分相思起萍泊千重春浪裏

只送扁舟不解將愁洗又向歸途垂別淚東風那
管人顛顛

甘州

午日雲
谿紀遊

繞城闌一線白雲長畫裏見瀟湘有闌干十二紅
簾對卷翠袖分行渡口誰迎桃葉歌韻尚悠颺一
笛中流去側帽貪涼 又是水嬉初散笑喧闐簫
鼓也只當場指平橋東向菱蕩正吹香為佳人天
然世外愛萬絲煙柳罩鴛鴦催歸也把同心縷試
繫斜陽

又

笑人間風月易駸駸謾向夢中尋記輕鸞十二綵
鴛七十珠樹成林乍聽雲璈響徹花落石房深為
有香山舞一朶重簪 惆悵飛瓊伴侶也愁他弱
水青鳥書沈自生天不願遺誤到而今夜初闌紅
霞爭嚼化海榴一片易然心無慘也把千年語寫
入瑤琴

風入松

過外舅錢東臯
先生清映堂

平橋一片響蒲菰虛翠溼衣裾斜陽亂織蜻蜒影
釣絲風吹落紅蕖竹檻有時敲枕桐窗隨意攤書
眼前一幅輞川圖展向月明初葡萄架就清陰

徧夢三更絡緯聲疎信是谿堂秋早掩關人在水
壺

生查子

離情滿一帆影在渾無那轉側肯由人已向前山
過 隔岸是江南煙水平分破相送只天涯風力
何須大

醉花陰

題紅橋
酒家

片帆移過平山柳時節重陽後好箇斷腸天休說
黃花日也淒淒瘦 者邊不惜閒行走好夢今何
有誰在小紅樓卷上珠簾看殺人依舊

太平時

慢曳羅裙去路賒柳交加不無好語出香車近前
些 絲網幾時勞越客向西家一枝雨後泣殘花
太妖邪

南鄉子

范叔易成寒翠袖何心也一般愁倚熏籠簾不卷
無端莫是悲秋淚未乾 雪意壓檐前閒課煎茶
喚小鬟拈起党家當日語嫣然一笑春回兩頰間

探春

對雪與舍
弟紀言

白雨收聲黃雲打片真箇十分寒峭獵刺窗前稀

微幕底幻出玉沙瑤草斷鴈驚飛處謾猜是蘆花
月曉生生壓到梅梢者回春色猶早 幾點青林
鯽小向密幄圍鑪翠尊同倒頗憶天涯吟成驢背
目斷千山人少一片昏鴉起旗亭路盼來難到得
似今宵醉鄉何限懷抱

臨江仙

天意商量還欲雪梅花半已消魂不如挨到月中
旬燒鐙過了判與掩重門 繡出平頭鞋子在柳
梢月也纔新一年一度蹋芳塵也應做美難道不
憐人

南歌子

鐙影搖花館衣香撲酒杯裏釵偷贈一枝梅不道
有人簾下笑相窺

又

甄女空銜怨陳王只費才豆萁煮豆事堪哀不道
年時遺枕賜人來

又

百戰成何事三分竟絕倫吳宮鍼絕魏鍼神賭繡
鴛鴦應笑蜀無人

臨江仙

綵筆天然無著處曉窗慣畫雙蛾晚窗吟到二更
多小詞還坼補絕似燕成窠 繡幔徐牽憐獨自
添他粉頰生渴詩脾可也渴來麼為郎重進酒便
付雪兒歌

南鄉子

是可人居綺羅香覆半牀書偷得工夫攜玉笛雕
闌北貪與海棠相對立

閨中好

閨中好簌簌殘紅隋好鳥啼隔窗徐聞掣金鎖

畫堂春

小園三畝費春工十年樹已成叢眼前煙草未全
濃笑語先烘 最是江梅零落美人無奈嬌慵讓
他鬧向杏花中狂了東風

蹋莎行

煙卷雙鬢波平一面仙源欲到愁無限綠楊橋外
亂鶯飛夕陽掩過朱門半 香冷金猊釵虛玉燕
也應鏡裏容光變憑誰說與畫樓人落花煙雨寒
非淺

憶秦娥

腸千結明明豆蔻梢頭月梢頭月含羞含怨照人

親切 東風誰管尋香蝶好花容易飛成雪飛成
雪傷心那要舊曾攀折

長亭怨慢

記行向月房初見小婢箜篌一聲聲慢出侍香車
路傍羞說有人羨簸錢年紀誰得似春風面塵土
幸無多青衫淚浣時休怨 淒斷望西軒底事忽
地綵雲驚散玉人去也又何況杏梁飛燕便侯門
不鎖相思料難問年時團扇為小字曾呼愁絕櫻
桃花片

黃金縷

題半
窰堂

一舸移家隨燕侶鏡裏春濃畫裏秋如許門掩亂
山渾欲雨泉聲流過雕闌去 窗外垂楊風自舞
雲碧紗廚睡起聞鶯語笑看茶煙青一縷賭書人
在花深處

十二時

遊東郊太平寺
抵紅梅閣下作

出東門萬絲煙柳作弄蹋青天氣古寺外平橋流
水幾許箏船初繫堦影浮窗江聲畫壁問牡丹遺
址長笑殺我亦無生一鉢一餅應也垂垂如此
又柱頭天然花草狡獪少年猶記閣下紅梅春來
何苦只向東風倚暫也遊萬里誰憐恨絕人世

都只因無端小謫便作醉鄉遊子後會瑤池前身
金粟未了三生意一弄旗賣酒歸途且向杯底

菩薩蠻

文回

落花如夢春情薄薄情春夢如花落啼鳥怨空枝
枝空怨鳥啼 夜窗閒繡罷罷繡閒窗夜風翦一
鐙紅紅鐙一翦風

城頭月

怨紅愁綠何時了門掩東風悄簾幙沈沈鑪香漠
漠局上碁爭道 西谿聞說春還好判作漁樵老
雨後萍花波間鷗夢一幅煙帆小

高陽臺

西湖懷古

買酒橋頭賣魚渡口狂蹤又入吟邊錯比西施興
亡最是無端長隄綠徧消魂柳費東風點染春妍
不分明一片山光一抹湖煙 三秋十里嬉遊地
笑荷花桂子佳麗依然見說聽歌阿誰便擬投鞭
須知詞客荒唐句只消他紅袖爭憐任今宵醉也
休辭愁也休言

瀟湘逢故人慢

熏風微動乍衫裁細葛扇試輕紈小園兩三竿倩
新綠分染露粉纔乾生紅熨就吐山榴到眼疑然

關心是簟紋如水午窗夢斷前歡 匆匆又重五
近拂輕鷗畫船人見何年問萍泊誰憐只燕自雙
飛月自孤圓一番醉醒負江南煙雨梅天閒敲枕
也應為我背花惆悵無眠

西江月

秋葵

不道纖腰束素也教嬌額塗黃西風吹冷蕩絲裳
又為夕陽惆悵 雨過空階如水有人慵倚殘妝
故將秋思惱檀郎帶暝一枝愁向

虞美人

秋海棠

打窗黃葉驚花睡依舊醒還醉多情悔不嫁春風

愁對一天清露泣殘紅 空階碎滴煙光冷此恨
憑誰省本來無力況全低鞞向亂蛩聲裏也淒淒
好事近

愁絕是羅敷二十今冬纔足已近小春天氣尚看
峰寒蹙 曉來縫鏡有紅蛛妝成笑堪掬此夜鳳
簫聲煖展一痕蛾綠

望江南

閒亭晚小立更移時照眼花如鏡下影關心人是
月中姿不語也相宜

又

歌筵畔紅燭已闌珊可也酒寒思半臂不無春困
惱雙鬟心性一時難

河滿子

釀雨不成天氣護花也沒心情幾日笑啼無處可
回廊倚了還凭勾引遊絲闌角東風絕可憐生

江城子

東風纖奕曳羅裳雨餘隄草香正春陽金犢車輕
紅袖映垂楊一片蹋歌人去也睂黛上九秋霜

歸田樂

著甚閒枝葉正畫堂妙攜箏去幾對鴛鴦列口語

又手語眼語睂語道是無心也愁絕西飛燕怎
說落盡盧家空梁月碧桃花謝千點暗吹雪開也
便謝也自此後不須開也縱有開時許誰折

浪淘沙

燕子小窗閒風絮翩翩一絲絲也過窗前又有幾
絲煙裊裊春也難言蘋葉小池寬山雨潺潺一
聲聲也打池邊又有幾聲蛙閣閣夏也堪憐

好事近

玉簪花

微雨溼秋光閒澹天然無比開向寶釵樓下伴敲
詩人睡月房一曲鬢雲鬆依稀夜深墜遠傍曉

窗梳掠隔簾兒偷寄

羅敷媚

聞

隨風故故來單枕斷續碁聲苦要人聽那管秋衾
夢不成披衣重蹋疎桐影月已三更暗了還明
為照深閨萬里情

點絳脣

中秋

深碧琉璃阿誰暗把浮雲洗夜寒雙被偷向瓊樓
倚酒入花顛又下無端淚團圓意月兒如此也
要人兒似

鵲橋仙

再題聽
秋圖

兒時心性愛聽窗外一葉一聲疎雨芭蕉林裏欲
移家早引得閒愁如許橫天鴈叫繞隄蟬咽未
是最消魂處十年懊惱舊吟蹤只似夢西風吹去

如夢令

乍卷錦幃如玉曉鏡不須膏沐隔宿髻兒新知是
枕函人獨風竹風竹那得夢魂重續

又

愁是落花將與又聽隔年鶯語一種事關心萬種
了無情緒疎雨疎雨不道春寒如許

散天花

愁向雙蛾已暗侵花陰攜手地思難禁人前笑捻
繡時鍼數枚蓮子在苦畱心 鸚鵡籠邊說好音
荼蘼開又謝到而今微風吹響隔窗琴便教人似
夢也難尋

霜天曉角

蔣大和前韻
見示戲題

閒倒金缸聽疎鐘暗撞為有春風賦筆花月下肯
輕降 草窗憐夢窗小詞填一腔有分泥犁獄底
攜手去也成雙

玉女搖仙佩

自題秋
田草堂

因花抱甕到得開時又典春衣沈醉僕本田家芙

蓉湖畔檐上仰看雲氣階下看流水想蕭然一葉
天隨高致亂風竹誰歎戶外鷗鳥多情兩兩飛至
此外斷無人縱有人過柴門早閉 便趁雨肥摘
果日暖分蠶倦枕殘編閒睡怨則怨他盛年難再
負了湘蘭沅芷鸚鵡鳴先起笑隄柳纔得穆穆如
此卻不道西風轉眼打窗蕭瑟一番顛顛應何似
因之謝客且為記

花心動

寄賀拓
菴先生

招得花魂伴吟魂無慘也饒風味豆蔻乍紅含盡
閒心畢竟好春能幾不成輕薄兒童笑又添了者

番顛顛便猜作香奩豔體有人憐未
賀雅而今老矣空疥了離騷尚餘幽思
先生著飲騷其從兄某曰子何疥吾離騷見自序
十
五句成試問先生莫也太嫌無禮只愁腸斷江南
後還輸與君家梅子意不盡蘅皋暮雲又起

師師令

自題把卷圖

東風著意又單衣初試小園煙草蝶雙飛愛一片
香浮池水幾許閒心收不起任落紅鋪地 古人
不作今誰是笑先生休矣就中何處覓神仙便脈
望難圓如此早則花梢春未已有亂峰堪倚

南浦

題聽雨圖

江城五月漸枝頭梅子不能酸料理紗衾藤簟重
試隔年緣幾扇瑣窗初啓剥蕉心卷出繡簾看怪
耳邊消息似無如有千點雨聲寒 彷彿玉釵隨
枕夢初回心事苦無端不道生紅一撈還似小睂
然聽到最難禁處任今宵瘦盡也須拚算卷中人
在幾時親見淚痕乾

唐多令

枕

金帶惱陳王洛川歸路長又無端敲向空牀移過
月痕圓似夢虛半箇待伊行 親手刺鴛鴦睡時
須一雙便釵橫不用端詳畢竟有時輸玉臂隨轉

側與兒郎

又中

一捻覆衣篝無端香汗流為閒來鴛徑曾遊爭道
肌膚冰雪似多半是見郎羞 纖手弄輕柔花枝
繡竝頭肯容他脂粉痕畱暗裏裏將千點淚親付
與薄情收

黃金縷

韞

吳女宵閒新落翦錦拗裁成未許人偷看待下香
階憐舊願手提金縷心先顫 最是一鉤行處緩
好結同心花底深深見為賦凌波腸易斷陳思只

恨芳塵遠

又

襯出鳳尖紅一線曾響煙廊并作吳宮怨纖滑不
堪高處見摘花幾惹腰肢顫 為蹋鴈沙階下奕
巧樣新翻絕愛菱花淺驀地一聲歸繡幔有人偷
向苔痕看

滿庭芳

夕

花入鍼樓鐙移鏡檻綺羅佳節爭傳雲鬢低亞良
夜肯成眠第一難憑鵲語檐前聽卻也堪憐分明
是心頭眼底各自領悲歡 香肩偷竝處蛛絲未

抵此際纏絲便三生有約回首淒然只道人間最
苦天邊月也不長圓明朝又蘭姨智姊一樣恨無
端

二郎神

倩誰喚出乍玉剪放閒無那但蕩未成蓮梧因見
子付與雙眉暗鎖第一垂楊窗前影向晚只寒鴉
低坐長恨殺西風萬條吹折肯憐婀娜 偷過文
園渴甚空齋閒臥又夢裏無端幾聲將息應是三
秋較可有底關心菊花天氣也復瘦來如我禁不
住一笑回身覓向畫圖真箇

南歌子

史詠

妙舞全欺燕神妝只似花不妨肥瘦略爭差難得
諸姨也似妹堪誇

又

髻子高如許琵琶妙入神夫君生死意相親爲問
香階刻轂是何人

百字令

隙括登徒子好色賦

玉生閒麗只微詞師授何云好色美似東家憐有
女三載登牆闕得誰減誰增誰朱誰粉一笑人迷
惑至今未許肯從疥痔求匹 侍側猶有章華遠

遊所見羣女桑郊出恍忽無端成俯仰意體疏時
還密相感相依稱詩互答義在顏何益楚王稱善
登徒讒口應塞

菩薩蠻

送友
出塞

鴉兒年少知名久挽強真向天山走寄語獨眠人
鷺啼正好春可憐青冢月偏向圓時缺一夜鬢
成翁哀笳拍未終

風流子

清明天欲近煙郊外蠶蝶自翩躚正二十問年羅
敷未足一雙贈客條脫先傳謾憐是微詞人似玉

輕吹氣如蘭中酒有時護花無力心頭事在眼底
春慳紅羅應先繡湔裙去依舊媚柳谿灣一翦
東風吹恨重上眉山但白鷓會中肯容繾綣黑犀
合底應記周旋又是不分然諾付與長歎

女冠子

綠陰清晝誰與褪花時候伴無慘燕尾憐金剪鶯
吭妒玉簫六斑茶試碾二色酒分槽小髻從兒
綰似蒲萄

漁歌子

狼藉東風入夢飄春花落盡賸無聊人寂寂雨蕭

蕭夜窗何事有芭蕉

漁家傲

燕子銜春穿繡幔近前贏得紅生面幾曲雕闌渾
在眼如天遠東風不與人相見 牆外鶯聲空百
轉垂垂金柳絲難翦月上小亭深一半簾誰卷刺
桐花下思量徧

高陽臺

別墅林亭舊家簾幙垂楊冷挂斜暉但是窗前翠
陰低浣人衣花開未必無愁思到飄零苦憶開時
忍看他綠滿池塘燕又爭泥 朱旛難護朱顏老

便東風照眼空卜佳期掩戶閒眠今宵夢也須疑
單衣小扇經過處甚春殘啼鳥都稀又誰憐澹月
梧桐人在廊西

青玉案

度關山

長淮渺渺情無限又窅地關山畔連臂哀猿隨徑
轉青松翳日白雲銜雨只向鞭梢見 酒旗寂莫
春光晚爭似邨深杏花館也爲月明閒望斷南朝
千古揚州一夢回首如天遠

小重山

鳥鵲

喜上眉梢聽語時幾番無據後信還疑迢迢銀漢

柳園詩九集卷三
憶佳期今年閏宵惜羽毛微 是處也堪棲月明
應妒汝只南飛故巢曾占最高枝南飛去何事恨
無依

臨江仙

窄地簾垂風葉走紗衾收待春闌一番無賴是初
寒月牙檐外挂縱好也愁看 一兩三聲飛過鴈
聽來不似家山殘鐙畱與照無眠生憎羅帳影薄
似碧雲天

滿江紅

朱仙鎮岳忠武廟下恭倚原韻

桂子荷花正吳會繇華未歇又誰念黃龍須抵諸

君風烈三字獄成南國夜萬年觴進西湖月便他
時鐵騎渡江來休悲切 遺詔在冤還雪遺碣在
心難滅笑廟顏何似金甌先缺艮岳空餘兒女恨
汴流不盡英雄血問遺民可為舊東京畱雙闕

散天花

汴梁客舍觀女伶演八陳圖戲題

一笑無端倚晚風戰袍偷著就面生紅分明兒女
亦英雄腰肢渾似柳解彎弓 百尺靈旗裏斷虹
木蘭祠畔路汴州通花黃貼就一軍空今宵歌版
裏畫難工

又

過信陵君祠

一片癡雲壓鴈聲荒祠牽蔓草忒無情婦人醇酒
可憐生千年遺恨在滿空城 敗壁題詩儘不平
阿誰今便是古侯嬴萬株衰柳夕陽明夷門東去
路幾人行

甘州

過周郎
故址

指黃河如帶汴城東曾與翦梧桐向教倉移粟梁
園置酒千騎隨風可惜小山歌罷雞犬恨難從猶
有王孫憶荒草成叢 道是塵揚海底卻長鯨吹
浪血裏千重便夷門山在難問最高峰笑無情一
犁疎雨向玉階耕爛舞衣紅吾何事走遺臺外閒

聽僧鐘

風入松

立春過伊陽
官署即席

粘雞屏後客初過小拍趁婆娑相如末至愁無那
乍呼來幕底聽歌春在美人釵上花幡一翦輕羅
玉梅笑撚喜微醺絲柳待重搓故園也有雲翹
舞問東風畢竟誰多佳節一番惆悵華年兩地蹉
跎

栩園詞弁彙卷三

柳園詞彙卷四

毗陵陳聶恆會起一字秋田

木蘭花慢

已卯伊署元夜

儘回廊繞徧只山月向人生問佳節何心金蓮步
杳玉管歌停淒清但添磬響似禪房細雨暗長明
便擁衾窩睡也從教醉過三更誰聽生長舊毗
陵燈火夜縱橫正柳葉梅花鬪他妝靚香滿春城
關情九華影裏料香車還過小池亭愁絕年時女
伴相逢替數歸程

小重山

蔓菁吾鄉所無偶於伊闕齋鉢中見之戲題寺壁

檢點春盤到菜根阿誰枝葉似未霑脣闍黎飯後
見纔真甜如蜜齋鉢肯嫌貧 白稻粥香新配他
煨芋好火初温葫蘆長柄種猶存拈來換誇向小
江邨

又

汝穎間多若榴子最饒碩嘗壓漿
飲客而土人不知也歌此示之

珠寶拈來一串同天糝初欲裂玉壺空未輸佳釀
出杯中銀匙滑小喫肯從容 添暈與芙蓉齒寒
纔一笑誤因風羅帶幾點溼尤紅驚猜處多事怨
吳儂

浣谿沙

幾幅羅裙憶舊題落花煙雨夢醒時人間天上竟
何之 客羨雍容偏善病天教閒麗又微詞是人
能妒阿誰思

又

不負風流年盛時佳人高義竟何為好花吹盡一
枝枝 便是過江風度在道旁看殺也相宜免教
禪榻鬢成絲

減字木蘭花

龍門

龍門初見便是諸天花雨徧猿峽環來法座蓮從
石壁開 深宮愁緒楊柳春風歌最苦畢竟荒唐

滿願何時問象王

金縷曲

洛陽錢杏山
大令席上作

那得閒如許又匆匆浴蘭鬪草聽殘梅雨百計消
磨清晝永夢向處妃祠去還髣髴凌波微步誰在
訟堂喧未了是將雛紫燕穿簾語聊一笑弔千古
名園佳麗從頭數料風流也應歷徧舊堪遊處
客向洛陽憐較晚不及牡丹花吐問可似歐公遺
譜折得空枝愁欲絕按紅牙底事歌金縷杯底月
已侵午

歸朝歡

青瑣闥邊相見地月照更衣光更細怕歌愁舞最
關情海霞映臉雲生髻掌中擎不易燭花影暗休
回避又堂前畱髮送客一石也能醉獨與目成
何造次不在同衾同一意陳思只解獻明璫洛妃
空有霑襟淚揮手從此始無情也識相思字是香
鞦駝人去早夢斷汝河水

齊天樂

尋常燕向雕梁語今朝也成癡睡但是雙棲誰憐
眼底猶有人兒顚顚春歸那裏只幾點飛綿一痕
流水獨自閒吟夕陽闌角又重倚按香曾與淺

約道芳菲可惜休便輕棄鏡裏看花裙邊撲蝶絕
愛同心梳子驚飛兩地縱對酒當歌了無情思雨
滴芭蕉數聲驚夢起

又

汝州道中遇
家玉文兄

江南久作分飛雁匆匆謾逢岐路事異平吳人憐
入洛笑疾而今如故飄零最苦問誰瘦誰強別來
何許酌酒斜陽數年幽恨此時語 鶯雛風老已
久向遙天屈指歸計非暮笠澤魚肥包山橘熟好
與秋光為主如儂間阻枉費了啼鴉幾番淒楚便
裏音書并將黃耳去

南歌子

殘蝶憐秋草孤鴻怨夕陽髻叢又見木樨黃誰道
吳兒真箇鐵心腸 夢向家山好谿聲繞畫廊風
鴛未穩也堪傷負了一番雨後敗荷香

綺羅香

將發臨汝
即席有作

消盡吟魂牽將別緒偷向吟箏低訴歌斷雙鬢不
擬此情輕負乍一縷兩縷衣香又無痕有痕眉嫵
問天涯醉了誰憐袖邊添得淚如雨 狂朋清興
未減猶自垂羶帳底重尋笙譜愁絕風鴛未了夢
中心苦照離席蠟炬成灰點征袍雪花飛絮便金

鞭裹手拈來看人騎馬去

唐多令

宿邯鄲

淒雨晚冥冥望中何處鐙又叢臺驛畔初經可惜
夜寒愁到枕輸好睡與盧生 畫角幾心驚起時
還月明繞孤城山色難分襍被抱來騎馬去真箇
似夢中行

一萼紅

都門除夕兼憶仲兄公車未至

恨無端把風光消盡萬事不如前十載天涯幾番
燕市換將春也堪憐頗難忘團圓兄弟繞華鐙衫
影一層圓翠袖持觴玉釵撥火誰許誰眠 今夜

淒涼僧寺倚長廊西去佛火還然索米何心尋花
有夢不堪愁入新年最愁他翻飛雁影向旗亭酤
酒阿誰邊料得枕頭敲徧也憶吳天

過秦樓

庚辰都門元夜

雨浥輕塵雲開新霽鳳闕晚來如畫傾城士女全
部笙簫風景太平無價遙望結綵樓高誰見珠簾
卷時還下看凝妝豔粉香塵過處蹋歌來也 長
願是歲歲鐙前還應天上別占好春良夜羣仙笑
語月殿初臨不似世間蘭麝閒聽風吹樂聲中有
新聲何人重打笑詞人柳七偷向都門細寫

柳屯山上元傾

杯樂詞有變韶景
都門十二之句

阮郎歸重

長安道上柳參參
驚心三月三
麗人何處燕喃喃
垂鞭南市南
花外路雨纖纖
莫愁添復添
采蘭歸去病
耿耿畫堂簾又簾

金縷曲

姚東膠同年下第西行僕意
不如南歸為歌長調三首

雪上畱鴻爪
論浮名千人底事
況添煩惱此局何妨
成小却餘子尚堪橫埽
料強是為謀草草眼底
黃金臺似舊有萬絲煙柳
迷歸鳥酤酒去酌殘照
也知此語誠然好
又無端青萍欲躍悲歌相弔

一半生涯鞍背上
點鬚霜華不少
更誰惜舊家丰調
回首烏衣門第在
到途窮鄉里居然笑
真悔未致身早

又

蹋徧秦川月
笑噴岢雄關百二
霸圖消歇紅粉吹

簫衫酒浣

張三日容
贈行句也

思曼此言驚絕
可知是心隨耳

熱和煖和香騎馬去
望嶠函風雨來
天末秋未到先淒切
壯遊何事空饒舌
悵芳華人生有幾年
年離別豈少洛陽田
二頃且喜良苗自活
正綠水平疇時節第一
風流偕隱意寄詩人
不作羞郎色

歸更好已鳴鴉

聞姣夫人亦以書勸歸

又

莫作尋常比肯徒然空言唐突二三知己處姊行
高應後妹休問先行何意真自笑苟焉而已一任
客囊羞澀甚望吳天好縮長房地驢背上竟歸矣
生平然諾君須記論交情十年以長素心兄弟
江北江南風雨夜最苦相思難寄況此去關山迢
遞用酒驅愁空作子賀切病便寸心嘔出渾無味儂所
屬飽粗糲

虞美人

送家誕江還平樂

一鞭笑指灘江路謝卻緇塵去由他索米老長安
屈指枕根麩熟好加餐須知雞肋原無味我亦
將歸矣輸君先渡白溝河正是亂山啼鴉綠陰多

一叢花

題北林猿鶴圖

眼前不盡水拖藍彌勒與同龕蒲團坐破渾閒事
只難忘煙雨江南處士梅開王孫草長春色舊曾
探拈來花朵儘人參那要語喃喃歌鐘響徹如
殘夢伴吟情幾本松杉鶴語知寒猿啼帶月寂莫
共雲岳

二郎神

宿龍華寺

願香未了又華寺夢遊初罷對蒼筍枝繇琉璃影
澹提起三生舊話一片齋鐘和雲出但暗吐雙鳩
休訝笑倦客無眠繡旛何事怯他清夜 瀟灑肯
容弟子花前杯罍只爲看如來那時猶有幾筆着
兒未畫髣髴妙蓮坐浮滄海緣在竭羅宮下早則
是冉冉從天玉女獻將來也

洞庭春色

由張家灣買
舟南歸作

賸得空囊束將殘卷一馬一童向盧溝斜轉潞河
遙望蘆花煙水一片空濛那有旗亭酤酒去卻多
謝篙師鄉里同驚相問莫還因下第飄泊西風

漁船幾年未上可不是負了吳儂正一腔離緒萬
絲歸夢無端疎雨又打孤篷屈指櫻桃纔宴罷已
桂子香殘紅蓼紅秋深也料眉頭鎖卻愁聽征鴻

梧桐影

舟中

尾後風頭前雨中有醉眠人不知江楓落盡愁無
主

徵招

江渡

十年來往長江口漁舟也成相識渺渺秣陵秋卷
蘆花蕭瑟亂鴉翻落日記前度綠蓑披得楊柳千
條一時牽盡夢魂南北 纔喜是人歸瓜洲渡早

則亂雲如墨不辨成樓煙只驚禽飛入晚潮何太
急笑還有水程三七醉來也第一泉邊且倚風吹
笛

點絳脣

金斗沈香背人偷熨春衫淚別時容易幾度梅開
矣 溼盡流光細雨簾垂地無慘意落花聲裏聽
取闌干倚

鷓鴣天

斜日簾櫳罷洗頭潛來窗下護衣篝果然獨立還
宜笑不爲分飛也是愁 花外路是紅樓安排香

夢到衾裯今宵醉向誰行去付與橫波一段秋

洞庭春色

曉過
惠山

翠被籠香玉壺盛酒上了畫船正二更風定三更
月透紅鐙雙引錦纜齊牽喚作鴛鴦煙水闊好移
近斜橋深樹邊吹橫笛笑一生判得今夜無眠
龍山又凝曉黛便泊向曲水亭前愛春衫重試宿
妝還好和花和露和柳和煙一帶朱門猶半掩已
繞徧泉聲松影間人纔見挂輕帆徑去猜是飛仙

滿江紅

葺且樸
齋題壁

屋上三重猶自有救廬堪葺何用那直闌橫檻眼

前金碧惜取燕巢檐不改痛刪竹筍階纔得怪無
端窗外見嶙峋橫山石 量易盡維摩室立不了
相如癖幸牀頭酒熟一聲長笛脈望纔依緗帙化
鞠通又繞琴囊出笑兩餘蘭菊自成叢吾家客

一萼紅

屋後小梅三十餘本桃杏各二梨一素柰七戊寅年護香
廊下隄核所生是秋將為中州之行移栽隙地庚辰
歸里取次成林明年春先後著花
標枝與茅檐相亞矣感而賦此

忒芊綿笑甘酸誰嗜墜核滿窗前露井苔滋煙廊
草長叢叢春到堪憐乍移栽天涯一夢伴佳人空
谷兩無言秀靨爭開芳心暗鎖又是三年 依舊
鴛聲到枕且呼他紅友竹外偷閒冷翠霑裾暖香

吹鬢翻疑何處仙源裏東風千枝弄影喜種花人
在釀花天打起離愁千疊同倚闌干

一斛珠

荼蘼花謝隔牆圻了秋千架消魂無復東風也滿
地桐陰又是人初夏 梅子嘗新過舞榭燕泥香
泥紗窗下憑闌記起無眠夜月到池塘笑聽荷珠
瀉

錦堂春

白眼蠶喧衙小綠頭鴨語闌空山窗一半臨秋水
雲影濕簾櫳 載酒閒門人去賣花別港船通午

眠選徧無慘夢吹入敗荷風

水調歌頭

舟行白雲渡寄題徐學人雲谿草堂圖

拍手唱銅斗晚趁鯉魚風白雲千片飛盡秋在蓼
花中波面參差畫閣爭逐遊人觀渡翠袖影簾櫳
笑蹋浪痕去鷗鳥自相從 洛川似朝川似畫難
工詩人於此閒臥門掩小橋東記得高堂素壁不
覺水天一色細雨下哀鴻添我石闌外把酒看芙

蓉

小重山

寄趙侯赤餘杭官舍

緩步東風得共遊洗妝樓下路亂紅稠故園何日

話閒愁雲谿過黃葉滿東流

湖水翠罌油孤山

凝曉黛一痕浮六橋絕好蓼花秋今宵夢同上木

蘭舟

訴衷情

我亦能狂君莫笑不宜秋湖水面花片打漁舟接
翅起沙鷗悠悠西風肯自由去還畱

南鄉子

錦屏花下偶題

憐太澹是秋容雨餘偷展錦屏風不道施朱嫌太
赤勻顏色彈將粉淚千花溼

眉峰碧

落葉

誰把庭柯撼不盡因風颭打近窗兒聽已多轉誤
了人來暗行迹閒尋厭添與茶鐺燄埽卻還憐
二月初枝頭幾費東君染

南歌子

玉躡初供織金籠試采桑梳裏只家常但畱真色
在自生香

又

翡翠藏裙小芙蓉繞帶斜風雨自天涯閒來明鏡
裏只如花

思帝鄉

清宵地衣香未消上面一痕紅玉酒生潮窄地垂
垂羅袖春風舞更饒真箇滿身楊柳忒苗條

又

春寒遣愁愁一闌紅是海棠花片綠苔斑最不自
由天氣閒呼歡復歡惆悵去來如此要誰拚

謁金門

春已去去不去也無畱處脫盡綠楊枝上絮黃梅酸
著雨欲睡又穿花塢直是不成心緒歲歲舊巢
看燕補淒涼閒對語

金明池

山莊春晚圖成同人頗多題句而
山莊尚在無何有之鄉拈此實之

窗落奔泉牀敲醉石斷嶺斜連湖尾纔曳過鴛聲
一縷又成片柳綿飛墜笑東風也爲將歸儘放與
人間百般紅紫幸似燕龕成如蝸廬在小小朱闌
閒倚惹得遊人時借問怪孺子長貧席門猶是
須知是生綃幾尺已收盡谿山佳麗況空空妙手
堪誇似客到西園風流爭記早背錦奚奴先安筆
研等向梧桐花底

南鄉子

渡江前三日
題內小照

也擬撥吟箋喚作書生絕可憐怪底侍兒私掩口
窗前又誤鴛機織未完脈脈兩無言別賦朝來

不要看護取玉梅花下影春閒畱與人歸笑倚闌
浪淘沙

盛年不再薄情無柰同心愁解香羅帶忍相看自
此水外山外天外從今蹙損雙眉黛厭厭應倍
一枝折得憑誰戴願歸來是月在花在人在

虞美人

未信堂
觀劇

檐前疎雨筵前舞添得愁無數樓頭一任鼓三通
誰說江南肯到夢魂中文書鍼線空顛顛負了
交紅被封侯覓與待如何悔不由人鐙下看橫波

羅敷媚

登看
花臺

驚心畫角聲淒緊細雨樓臺倦眼重揩翠嶺千重
樹杪排 分明不是還鄉路春去春來花落花開
江北江南天一涯

浣谿沙

戲題
半巢

短至纔交易曉霞等開簾子燕周遮惹窗映竹紫
薇花 閒與癡人貪說夢五更真箇又還家枕函
香似夜來些

蹋莎行

嫋嫋清礎淒淒畫角客懷況是風蕭索行行猶見
鴈羣飛不將一紙書傳卻 夢好翻疑情多轉薄

閒言閒語思量著一年一曉也徒然三秋休負刀
頭約

楊柳枝

夢裏吳船水一涯幾驚猜殘荷猶自繞池臺爲誰
開 綠隳風來剛拂面秋似翦吟蟬抱葉隋空階
有餘哀

驀山谿

得內書
卻寄

年年離別杜宇聲何有匹馬便天涯被幾度西風
吹瘦故鄉何處愁上望嵩樓楓欲落鴈初飛千里
空回首 歸期休問添得看兒縵竹葉易爲春貯

百斛護香廊後梅花消息取次近元宵纔月下又
鐙前有分長攜手

又

題織錦
回文圖

芳心一寸抽出千千縷容易斷還連是幾點淚絲
粘住花愁月怨齊上玉人機因豔極又成傷想見
人無語 鱗鴻信杳此恨今如古何處問陽臺也
值得天涯羈旅阿誰能讀一笑最淒然差彷彿向
盤中山樹吟來苦

憶王孫

鐙下寫
家書作

焦心似我只孤鐙挑向空齋不肯明是鴈聲耶是

鴈聲要誰聽不肯明時書怎成

南歌子

詠
史

禮重傳新曲恩深在一觴宮人眉語事尋常誰道
官家真有別心腸

又

緣是爲尼淺憂從得國增兒家曾向餅家生那得
一盃飯在灑徽陵

又

塞外憐新婦宮中恨杜郎寺僧一飯那能償自此
天廚纔識野蔬香

又
池上人如月江干水似愁莫因成敗悔風流便向
詞壇狎主也千秋

金明池

中秋中

餘綺收霞清塵過雨一碧長空欲化纔九十秋分
此日又三五月圓今夜漸姮娥蹋得纖雲趁小院
無人林梢飛下待醉倒金荷狂拈玉管也覺閒情
露惹不道家鄉千萬里算好景應同團圓誰話
除非是依稀短夢看鏡裏木樨簪罷笑人生幾見
當頭只似此淒涼不如休也可容我乘風翩然歸

去尚有黃花堪把

望江南

中秋憶小院夜追歡天氣略如花意好歌聲卻比
月光圓誰在玉闌干

又

中秋憶一笑思無端剥小雞頭心易奕掐生菱角
指微酸秀色與同餐

華胥引

秋

閒宵誰在私語依稀一鐙欲滅冷雨敲窗涼煙繞
砌悲更咽引起兒女心情向草根聽徹牀下無端

一聲聲又愁絕
判不成眠便成眠
寸腸千結曉
寒將透依然淒淒
切切莫是香魂
偷近把舊情重
說清淚酬伊也
教忘了休歇

又
燕秋

前汀哀鴈香蓼含辛
暗牽別緒偶爾乘春
名花落盡春又去
便是王謝門楣也不
堪依據愁絕西風
竭來無復成舞
歸晚紅樓便雙栖
有人親許下
簾時候誰同商量
更語一片斜陽衰草
問舊巢何處
江北江南綠楊邨裏
煙雨

二郎神

出邨城西郊

蹇驢破帽向晚去
阿誰邨舍聽一片
西風吹來芋圃
淒絕啼螿徧野
幾點牽牛疎籬外
翠不到斜陽西
下便網得黃鶻撲
將紅棗荷鉏歸罷
堪訝何來此客
鞭絲長把莫負了
江南采菱歌斷
容易芙蓉雨打縮
項初肥長腰又熟
門巷薄霜如畫
算此際鐙火茅檐
好盼役車休也

歸朝歡

九日南觀訪仝車同索小詞

騎鶴仙人何處有
漠漠空壇雲影覆
藥鑪詩卷一窗寒
霜風只解紅烏柏
身世如木偶阿誰
呼作忘年友
啓松關黃花滿地
佳節已重九
此事自應

推大手楮葉無端閒刻就天涯風雪向旗亭數聲
歌斷憐紅袖古人今已朽風流欲盡君知否肯徒
然茱萸折得淚盡一尊酒

風流子

龍山射獵

挽強聊一試橫鞭去郊外勢陂陀正薄姬冢上草
荒夜雨沛公壘畔樹沒秋河謾言是乘船慵試馬
識字傲提戈猿坐白雲鴉翻黃葉數聲畫角兜勒
成歌擁塗千層看君知否年少一擲如梭苦待
封侯萬里老矣如何但大夫善射美人應笑將軍
罷獵醉尉休訶不負亂山明月載酒重過

黃金縷

讀東坡居士詞

居士文豪應絕世春去春來也復關心事芳草天
涯飛燕子歌時又有悲秋意本色尚疑終不是
柳七何如此問真知己願作後塵今未已可能重
下朝雲淚

附讀宋詞偶成絕句十首

不道曹劉須降格可知樂府有同聲無題也與
填詞近說是填詞笑已生
謾向人間求解事候蟲時鳥自哀鳴物外有時
閒隨淚華堂只愛管弦聲

宮調當年已不傳只今音節見天然夢窗度曲
玉田和舊譜零落絕可憐

張子論詞先所志不為物役正且平乃知道也
進乎技書之座右箴諸生

細意自然兼熨帖象牀玉手最相宜裁縫須減
鍼線迹不爾裂帛即可為

敢言豪氣全無與詩論天然非所宜千古風流
歸蘊藉此中安用莽男兒

賦就閒情瑕白璧到今徵士尚垂聲小詞只作
閒情看不為溫公辨嫁名

三影郎中老放顛自標好句與人傳尚書紅杏
詞人耳何事歐公也見憐

南唐小令憐悽惋南宋之時句亦工肯愛自然
遺刻畫勒成一卷紀吳風

神女生涯原是夢義山句但教是夢即為真與君同
作癡人看句擬高唐更有神

齊天樂

將為山石之
行題酒家

馬蹄自出常州路東西便無馮準但是天涯曾生
碧草定有客愁相引年光過盡又捉得絲鞭浪遊
汾晉早則飛來白雲回首太行近孤邨何處貫

取便葡萄酒美難撥幽悶夢裏尋梅詩邊蹋雪那
得江干棲隱勞生漫論把一片豬肝累人堪憫月
淺山深醉吟聊自哂

卜算子

寄舍弟
展起

多事是吳船又有天涯草幾度看雲憶汝深何似
歸鞭早 風雪肯由人隻鴈飛難到歌斷梅花引
數聲不共檐前笑

小重山

題研

匣破玻璃又有年前身原是石不能言梨花雨溼
半池煙清吟罷知直幾文錢 三調牡丹前不教

纖手捧也徒然重揩淚眼玉爭妍封侯去叅帶一
痕圓

又 憶護香
廊蠟梅

瘦影垂垂滿畫廊梅妃新結束蕩絲裳粉題一抹
見斜陽鵝兒酒捧出鬱金堂 羞說舊宮黃懷人
應似此減容光可能畱作過年香花前夢瑣碎入

蠶房

余向有蠟梅畱
樂過年開之句

又 憶且樸
齋梅花

開了南枝又北枝羅浮仙種在阿誰移廿年前向
曲闌西花應記兩小與闌齊 幾度別伊時扶疎

柳園詩苑卷四
三
遮過屋笑相窺春風取次玉差差人歸也休待笛
聲催

西地錦

曉行

纔到四更天氣已峭寒侵被鐙兒又滅月兒又落
著征衫孤倚 珍重客愁如此倩蹇驢馱起千山
看盡千山過盡問吳山誰是

買陂塘

卸征衫便呼紅友東風猶帶寒峭朱朱粉粉開應
徧梅子又看青小知負了是舊約燒鐙誤汝愁多
少而今一掃已拉折金鞭春來春去判向故園老

眉頭蹙此語欺人忒早明年莫又燕趙浮雲嫁
與何由似枝上一雙棲鳥新月照笑此夜重圓應
比長圓好何須懊惱但去了還歸花前依舊一醉
不知曉

閒中好

閒中好一色春爭媚脈脈人倚闌天然得花意
擣練子

深樹裏架秋千惆悵回廊一面煙蠶乍出房吟又
去好花空抱影兒寒

荷葉杯

未必而今纔是何事悔從前綠陰門外已如許煙
雨又經年

金縷曲


余兒時小照朱山人衣補圖即余讀書陸尚書園
亭山心堂景物也忽忽十七八年此圖不知爲誰何
攜去悵然賦此

不覺成彈指酒醒來無端記著小時情事王子洛
濱年未足已作離巢燕子弔不盡平泉遺址花嶼
讀書侵曉過畫堂人爭看雙丫髻拈賦筆儘兒戲
鬢毛三十添顛顛仗丹青一番好景也隨流水
容易瑤池歸夢在謝了碧桃花榮便猜作隔生何
異老嫗路旁猶解說笑羊車年少今休矣君不見

樹如此

栩園詞弁彙卷四





程